

02-15387
11.3/26

**JAVNA ZDRAVSTVENO-NASTAVNA USTANOVA
DOM ZDRAVLJA „Dr Mustafa Šehović“ TUZLA
Broj: 02-7763-8
Tuzla, 11.03.2026. godine**

Na osnovu člana 70. i člana 72. st. 3 tačka c) Zakona o javnim nabavkama BiH („Sl.glasnik BiH“ broj 39/14, 59/22 i 50/24), člana 47. Statuta Ustanove broj: 04-1773-1/23 od 27.03.2023. godine i preporuke Komisije za provođenje postupka nabavke imenovane rješenjem direktora Ustanove broj: 02-8736-3 od 11.02.2026. godine, direktor Ustanove, *donosi:*

O D L U K U

o izboru najpovoljnijeg ponuđača i dodjeli konkurentskog zahtjeva drugorangiranom ponuđaču

Član 1.

Konkurentski zahtjev za nabavku robe - Sukcesivna nabavka i isporuka štampanog materijala na godišnjem nivou dodjeljuje se drugorangiranom ponuđaču “ZEDINA“ d.o.o. Doboj Istok, Brijesnica Mala, čija je ponuda druga po bodovnoj listi vrednovanja.

Član 2.

Ovom odlukom stavlja se van snage Odluka o okončanom postupku i izboru najpovoljnijeg ponuđača broj: 02-7763-7 od 23.02.2026. godine kojom je kao najpovoljniji ponuđač za sukcesivnu nabavku i isporuku štampanog materijala na godišnjem nivou izabran ponuđač “SVJETLOST BH PRINT“ d.o.o. Sarajevo.

Član 3.

Ponuđač “ZEDINA“ d.o.o. Doboj Istok, Brijesnica Mala je obavezna dostaviti dokaze o ispunjavanju uslova iz tačke 3.1.2. Tenderske dokumentacije u originalu ili kopiji ovjerenoj od strane nadležne institucije, u roku od 5 (pet) dana od dana prijema ove Odluke.

Član 4.

Ova Odluka dostavlja se ponuđačima u roku od 3 (tri) dana, a najkasnije u roku od 7 (sedam) dana od dana donošenja iste, uz istovremeno objavljivanje na web stranici Javne zdravstveno – nastavne ustanove Dom zdravlja „Dr Mustafa Šehović“ Tuzla.

Član 5.

Za izvršenje ove odluke zadužuje se Odjeljenje za nabavku, komercijalne poslove i naplatu potraživanja i Odjeljenje pravnih poslova i poslova zaštite.

Član 6.

Ova odluka stupa na snagu danom donošenja.

Obrazloženje

Odlukom direktora Ustanove broj: 02-7763-1 od 30.12.2025. godine pokrenut je postupak nabavke robe – Sukcesivna nabavka i isporuka štampanog materijala na godišnjem nivou procjenjene vrijednosti nabavke od 40.000,00 KM bez uračunatog PDV-a.

Javna nabavka je provedena putem konkurentskog zahtjeva za dostavljanje ponuda, a kriterij za dodjelu ugovora je bila ekonomski najpovoljnija ponuda.

U toku postupka javne nabavke, Komisija za provođenje postupka nabavke imenovana rješenjem direktora Ustanove broj: 02-8736-3 od 11.02.2026. godine je u okviru svojih nadležnosti i ovlaštenja provela predmetni postupak nabavke.

S tim u vezi zaprimila je pristigle ponude, izvršila njihovo otvaranje, te izvršila pregled i ocjenu ponuda, a u skladu sa zahtjevima i kriterijima iz Tenderske dokumentacije.

Na osnovu bodovne liste vrednovanja ponuda za sukcesivnu nabavku štamparskih obrazaca na godišnjem nivou sačinjena je rang lista ponuđača na osnovu koje je donešena Odluka o okončanom postupku i izboru najpovoljnijeg ponuđača broj: 02-7763-7 od 23.02.2026. godine, kojom je kao najpovoljniji ponuđač izabran ponuđač “SVJETLOST BH PRINT“ d.o.o. Sarajevo.

Prvorangirani ponuđač “SVJETLOST BH PRINT“ d.o.o. Sarajevo je dana 10.03.2026. godine putem e-maila dostavio Obavijest o odustajanju od ponude broj: I-155/26 od 10.03.2026. godine zbog nemogućnosti potpisivanja Ugovora.

Iz navedenih razloga, a u skladu sa članom 72. st. 3 tačka c) Zakona o javnim nabavkama BiH („Sl.glasnik BiH“ broj 39/14, 59/22 i 50/24), kojim je definisano da Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da izabrani ponuđač u pisanoj formi odbije dodjelu ugovora, odlučeno je kao u članu 1. ove odluke te se ugovor za sukcesivnu nabavku štampanog materijala na godišnjem nivou dodjeljuje ponuđaču “ZEDINA“ d.o.o. Doboj Istok, Brijesnica Mala.

PRAVNA POUKA: Protiv ove Odluke može se izjaviti žalba, najkasnije u roku od 5 (pet) dana od dana prijema iste u skladu sa članom 101. Zakona o javnim nabavkama BiH

DIREKTOR

/Prim.prof. dr. sc. Samir Mačković/